

Կազմված է 01.08.2025 թ.


Բաղկացած է 18 թերթից, 2 օրինակից

ՀԱՍՏԱՏՎԱԾ Է՝

«ՆՈՈՒԹ.ԱՄ» ՍՊԸ միակ մասնակցի

01.08.2025 թ որոշմամբ

Տնօրեն՝ Հայկ Պետրոսյան



Կ.Տ.

ԳՐԱՆՑՎԱԾ Է

ՀՀ ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ ԿՈՂՄԻՑ

25.07.2013 թ.

գրանցման թիվ 286.110.777056

ՀՎՀՀ 02620164

29.12.2017 թ. ԳՐԱՆՑՎԱԾ

ԿԱՆՈՆԱԴՐՈՒԹՅԱՆ ԹԻՎ 0032

ՓՈՓՈԽՈՒԹՅՈՒՆԸ

ԳՐԱՆՑՎԱԾ Է ՀՀ ԻՐԱՎԱԲԱՆԱԿԱՆ
ԱՆՁԱՆՑ ՊԵՏԱԿԱՆ ՌԵԳԻՍՏՐԻ
ԳՈՐԾԱԿԱԼՈՒԹՅԱՆ ԿՈՂՄԻՑ

« 05 » 08 2025 թ.

ՊԵՏԱԿԱՆ ՌԵԳԻՍՏՐԻ ԳՈՐԾԱԿԱԼՈՒԹՅՈՒՆ

Գ. Պետրոսյան



ԿԱՆՈՆԱԴՐՈՒԹՅՈՒՆ

«ՆՈՈՒԹ.ԱՄ»

ՍԱՀՄԱՆԱՓԱԿ ՊԱՏԱՄԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
(ՆՈՐ ԽՄԲԱԳՐՈՒԹՅԱՄԲ)

2025 թ.

2025 թ.

1. ԸՆԴՀԱՆՈՒՐ ԴՐՈՒՅԹՆԵՐ

1. «ՆՈՈՒԹ.ԱՄ» Սահմանափակ պատասխանատվությամբ ընկերությունն (այսուհետ՝ ընկերություն) իրավաբանական անձ համարվող, շահույթ ստանալու նպատակ հետապնդող կազմակերպություն է, որի կանոնադրական կապիտալը բաժանված է սույն կանոնադրությամբ սահմանված չափերով բաժնեմասերի:

2. Ընկերության իրավունակությունը ծագում է նրա պետական գրանցման և դադարում է լուծարման ավարտի պահից: Ընկերությունը հիմնադրվել է 25.07.2013թ: Ընկերության նոր խմբագրությամբ կանոնադրությունը հաստատվել է ընկերության մասնակցի 18.12.2017թ կայացած թիվ 2 որոշմամբ:

Իր գործունեության ընթացքում ընկերությունը ղեկավարվում է Հայաստանի Հանրապետության գործող օրենսդրությամբ և իրավական ակտերով, Հայաստանի Հանրապետության միջազգային պայմանագրերով և սույն կանոնադրությամբ:

3. Ընկերության հիմնադիրների /մասնակիցների/ ավանդները, դրանց հաշվին ստեղծված, ինչպես նաև ընկերության գործունեության ընթացքում արտադրված և ձեռք բերված գույքն ընկերությանն են պատկանում սեփականության իրավունքով և ընկերությունն ազատ է իր հայեցողությամբ տիրապետել, օգտագործել և տնօրինել դրանք:

Ընկերությունը, որպես սեփականություն, ունի իր մասնակիցների գույքից առանձնացված գույք և իր պարտավորությունների համար պատասխանատու է այդ գույքով, կարող է իր անունից ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

Ընկերության գույքը և պարտավորությունները հաշվի են առնվում ինքնուրույն հաշվեկշռում:

4. Ընկերությունն իրավունք ունի սահմանված կարգով բացել բանկային հաշիվներ Հայաստանի Հանրապետությունում և նրա սահմաններից դուրս:

5. Ընկերությունն ունի իր ֆիրմային անվանմամբ կլոր կնիք հայերեն, ինչպես նաև ռուսերեն և անգլերեն գրառումներով, կարող է ունենալ դրոշմներ և ձևաթղթեր, օրենքով սահմանված կարգով գրանցված ապրանքանիշ և այլ նշաններ:

6. Ընկերության ֆիրմային անվանումն է.

հայերեն լրիվ «ՆՈՈՒԹ.ԱՄ» Սահմանափակ պատասխանատվությամբ ընկերություն

հայերեն կրճատ՝ «ՆՈՈՒԹ.ԱՄ» ՍՊԸ

ռուսերեն լրիվ՝ Общество с ограниченной ответственностью «НОУТ.АМ»

ռուսերեն կրճատ՝ ООО «НОУТ.АМ»

անգլերեն լրիվ՝ «NOUT.AM» Limited liability company

անգլերեն կրճատ՝ «NOUT.AM» LLC

7.Ընկերության գտնվելու վայրը.

0009, ՀՀ, ք.Երևան, Կորյունի 5, 23 տարածք

2. ԸՆԿԵՐՈՒԹՅԱՆ ԳՈՐԾՈՒՆԵՈՒԹՅՈՒՆԸ

1.Ընկերության գործունեության նպատակն է Հայաստանում և նրա սահմաններից դուրս տնտեսական գործունեություն իրականացնելու ճանապարհով շահույթի ստացումը:

2.Ընկերությունը կարող է իրականացնել օրենքով չարգելված ցանկացած գործունեության տեսակներ:

3. Ընկերության կողմից այնպիսի գործունեությունը իրականացնելու իրավունքը, որով զբաղվելու համար անհրաժեշտ է հատուկ թույլտվություն (լիցենզիա), ծագում է նման թույլտվությունը ստանալու պահից, կամ դրանում նշված ժամկետում և դադարում է դրա գործունեության ժամկետի ավարտով:

3. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼԸ, ԴՐԱ ՓՈՓՈԽՈՒՄԸ

1. Որպես ընկերության կանոնադրական կապիտալ է ներդրված 50.000 (հիսուն հազար) ՀՀ դրամ: Ընկերության կանոնադրական կապիտալը բաժանված է յուրաքանչյուրը 1000 (հազար) ՀՀ դրամ անվանական արժեքով 50 (հիսուն) բաժնեմասերի, որոնք տեղաբաշխված են, լրիվ վճարված և սեփականության իրավունքով պատկանում են ընկերության մասնակցին, որի մասին տեղեկությունները բերված են սույն կանոնադրության 10-րդ էջում զետեղված հավելվածում:

2. Ընկերության կանոնադրական կապիտալում մասնակիցների կամ ընկերության մեջ ընդգրկվող երրորդ անձանց կողմից ոչ դրամային ավանդներ ներդնելու դեպքում դրանց դրամական գնահատականը կատարվում է «Սահմանափակ պատասխանատվությամբ ընկերությունների մասին» ՀՀ օրենքի 29 հոդվածով սահմանված կարգով:

3.Ընկերության կանոնադրական կապիտալի ավելացումը հնարավոր է միայն այն ամբողջությամբ վճարելուց հետո:

Ընկերության կանոնադրական կապիտալի ավելացումը կարող է իրականացվել ընկերության գույքի հաշվին, մասնակիցների լրացուցիչ ներդրումների հաշվին կամ ընկերության մեջ ընդունվող երրորդ անձանց ավանդների հաշվին:

Ընկերության գույքի հաշվին կանոնադրական կապիտալի ավելացման դեպքում համապատասխանորեն մեծանում է նաև մասնակիցների բաժնեմասերի անվանական արժեքը անփոփոխ թողնելով դրանց չափը:

Ընկերության կանոնադրական կապիտալի ավելացումը նրա մասնակիցների լրացուցիչ ավանդների և ընկերություն ընդունվող երրորդ անձանց ավանդների հաշվին իրականացվում է «Սահմանափակ պատասխանատվությամբ ընկերությունների մասին» ՀՀ օրենքի 33 հոդվածով սահմանված կարգով:

Ընկերության մասնակցի դիմումի հիման վրա այդ մասնակցի կողմից լրացուցիչ ավանդ ներդնելու միջոցով կանոնադրական կապիտալի ավելացման վերաբերյալ որոշումն ընդունվում է ընկերության մասնակիցների կողմից՝ միաձայն:

4. Ընկերության կանոնադրական կապիտալի նվազեցումը իրականացվում է ընկերության մասնակիցների բաժնեմասերի անվանական արժեքների նվազեցման և (կամ) ընկերությանը պատկանող բաժնեմասերի մարման ճանապարհով:

Ընկերության մասնակիցների բաժնեմասերի անվանական արժեքը նվազեցնելու ճանապարհով ընկերության կանոնադրական կապիտալի նվազեցման դեպքում մասնակիցների բաժնեմասերի չափերը չեն փոխվում:

Կանոնադրական կապիտալի նվազեցման մասին որոշում ընդունելուց հետո ընկերությունը պարտավոր է 30 օրվա ընթացքում այդ մասին և կանոնադրական կապիտալի նոր չափի մասին գրավոր տեղեկացնել իրեն հայտնի ընկերության բոլոր պարտատերերին:

Ընկերության պարտատերերն իրավունք ունեն գրավոր տեղեկացումն ստանալու պահից՝ 30 օրվա ընթացքում, պահանջել իրենց նկատմամբ ընկերության պարտավորությունների վաղաժամկետ դադարում կամ կատարում, ինչպես նաև իրենց վնասների հատուցում:

5. Եթե երկրորդ կամ յուրաքանչյուր հաջորդ ֆինանսական տարվա ավարտից հետո ընկերության գուտ ակտիվների արժեքը պակաս է կանոնադրական կապիտալից, ապա ընկերությունը պարտավոր է՝ նվազեցնել իր կանոնադրական կապիտալը, իսկ եթե գուտ ակտիվների արժեքը կազմում է բացասական մեծություն, ընկերությունը ենթակա է լուծարման: Այս դեպքում ընկերությունը պարտավոր է գործել «Սահմանափակ

պատասխանատվությամբ ընկերությունների մասին» ՀՀ օրենքի 34 հոդվածի 5-րդ կետով սահմանված կարգով:

4. ԸՆԿԵՐՈՒԹՅԱՆ ՄԱՍՆԱԿԻՑՆԵՐԸ

1. Ընկերության մասնակիցներ (հիմնադիրներ) կարող են լինել ֆիզիկական և իրավաբանական անձինք, ինչպես Հայաստանի Հանրապետությունը և համայնքները՝ գործող օրենսդրությամբ սահմանված կարգով:

Պետական և տեղական ինքնակառավարման մարմիններն ընկերության մասնակից (հիմնադիր) չեն կարող լինել:

2. Մեկ մասնակից ունենալու (մնալու) դեպքում ընկերության միակ մասնակիցն իրականացնում է գործող օրենսդրությամբ և սույն կանոնադրությամբ ընկերության մասնակիցներին վերապահված իրավունքները և պարտականությունները:

Ընկերությունը՝ որպես մեկ հիմնադիր (մասնակից) չի կարող հիմնադրել կամ ունենալ այլ տնտեսական ընկերություն, որը բաղկացած է մեկ անձից:

3. Ընկերության մասնակիցների թիվը չպետք է գերազանցի 49-ը, հակառակ դեպքում այն մեկ տարվա ընթացքում պետք է վերակազմավորվի բաց բաժնետիրական ընկերության կամ առևտրային կոոպերատիվի: Նշված ժամկետում չվերակազմավորվելու դեպքում ընկերությունը ենթակա է լուծարման:

5. ԸՆԿԵՐՈՒԹՅԱՆ ԵՎ ՆՐԱ ՄԱՍՆԱԿԻՑՆԵՐԻ ՊԱՏԱՍԽԱՆԱՏՎՈՒԹՅՈՒՆԸ

1. Ընկերությունն իր պարտավորությունների համար պատասխանատու է իրեն պատկանող ամբողջ գույքով:

2. Ընկերությունը պատասխանատու չէ իր մասնակիցների պարտավորությունների համար:

Ընկերության մասնակիցները պատասխանատու չեն ընկերության պարտավորությունների համար և կանոնադրական կապիտալում իրենց ներդրած ավանդների արժեքի սահմաններում կրում են ընկերության գործունեության հետ կապված վնասների ռիսկը:

3. Հայաստանի Հանրապետությունը կամ համայնքները պատասխանատվություն չեն կրում ընկերության պարտավորությունների համար, ինչպես նաև ընկերությունը պատասխանատվություն չի կրում Հայաստանի Հանրապետության կամ համայնքների պարտավորությունների համար:

6. ԸՆԿԵՐՈՒԹՅԱՆ ՄԱՍՆԱԿԻՑՆԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

1. Ընկերության մասնակիցներն իրավունք ունեն.

- մասնակցել ընկերության մասնակիցների ընդհանուր ժողովին՝ վերջինիս իրավասությանը պատկանող բոլոր հարցերի նկատմամբ քվեարկության իրավունքով:
- մասնակցել ընկերության կառավարմանը:
- տեղեկատվություն ստանալ ընկերության գործունեության մասին, ծանոթանալ նրա հաշվապահական գրքերին և այլ փաստաթղթերին:
- ստանալ ընկերության գործունեությունից ստացվող՝ օրենքով սահմանված շահույթի մասը:
- ընկերության մասնակիցների ընդհանուր ժողովում՝ իր իրավունքները՝ ներկայացնելու համար լիազորել երրորդ անձի:
- իր բաժնեմասը (դրա մասը) օտարել ընկերության մեկ կամ մի քանի մասնակիցների կամ երրորդ անձանց:
- անկախ մյուս մասնակիցների համաձայնությունից ցանկացած պահի դուրս գալ ընկերությունից:
- հայցով դիմել դատարան, ընկերության մասնակիցների ընդհանուր ժողովի կողմից ընդունված, գործող օրենքներին և այլ իրավական ակտերին հակասող որոշումների գանգատարկման նպատակով:
- ընկերության լուծարման դեպքում՝ ստանալ պարտատերերի հետ կատարված հաշվարկներից հետո մնացած գույքի իր հասանելիք մասը կամ դրա արժեքը:
- օրենքով սահմանված կարգով գրավ դնել՝ ընկերության գույքում իր բաժնեմասի (դրա մասի) իրավունքը:

2. Ընկերության մասնակիցները պարտավոր են.

- չհրապարակել ընկերության գործունեության վերաբերյալ գաղտնիք պարունակող տեղեկություններ, բացի օրենքով սահմանված դեպքերից:
- իրենց գործողություններով չխոչընդոտել ընկերության գործունեության նորմալ գործընթացին:
- ժամանակին բարեխղճորեն կատարել ընկերության նկատմամբ վերցրած պարտավորությունները:

7. ՄԱՍՆԱԿՑԻ ԴՈՒՐՍ ԳԱԼՆ ԸՆԿԵՐՈՒԹՅՈՒՆՆԵՐ

1. Ընկերության մասնակիցը, անկախ մյուս մասնակիցների համաձայնությունից, իրավունք ունի ցանկացած ժամանակ դուրս գալ

ընկերությունից:

2. Ընկերության մասնակցի՝ ընկերությունից դուրս գալու դիմումը ներկայացնելու պահից՝ նրա բաժնեմասը փոխանցվում է ընկերությանը: Ընկերությունը պարտավոր է այդ պահից՝ վեց ամսվա ընթացքում, մասնակցին վճարել բաժնեմասի նրա վճարած մասի արժեքը: Դուրս եկող մասնակցի և ընկերության համաձայնությամբ դուրս եկող մասնակցին կարող է տրվել նրա բաժնեմասի լրիվ վճարված մասի արժեքին համապատասխան գույք:

Դուրս եկող մասնակցին հասանելիք ընկերության գույքի մասը կամ դրա արժեքը որոշվում է դուրս գալու մասին դիմումը ներկայացնելու պահին ընկերության վերջին հաշվետու ժամանակաշրջանի հաշվապահական հաշվետվությունների հիման վրա:

3. Եթե ընկերության կանոնադրական կապիտալում որպես ավանդներ է դրվել գույքի օգտագործման իրավունք, ապա համապատասխան գույքը վերադարձվում է ընկերությունից դուրս եկող մասնակցին: Նման գույքի բնականոն մաշվածության հետևանքով նվազած արժեքը չի հատուցվում:

8. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼՈՒՄ ԲԱԺՆԵՄԱՍԸ ՓՈԽԱՆՑԵԼԸ

1. Ընկերության մասնակիցն իրավունք ունի ընկերության կանոնադրական կապիտալում իր բաժնեմասը (դրա մասը) վաճառել կամ այլ ձևով օտարել տվյալ ընկերության մեկ կամ մի քանի մասնակիցների:

2. Ընկերության մասնակիցներն իրենց բաժնեմասերին համամասնորեն օգտվում են մասնակցի բաժնեմասը (դրա մասը) գնելու նախապատվության իրավունքից այն գնով, որն առաջարկվել է երրորդ անձանց:

Ընկերության մասնակիցը, որը ցանկանում է վաճառել իր բաժնեմասը (դրա մասը), պարտավոր է այդ մասին գրավոր տեղյակ պահել ընկերությանը՝ նշելով գինը և վաճառքի մյուս պայմանները: Ընկերությունն այդ մասին գրությամբ՝ պատվիրված նամակով կամ անձամբ հանձնելով, հայտնում է ընկերության մյուս մասնակիցներին: Այն դեպքում, երբ ընկերության մասնակիցները տեղեկացվելու օրվանից մեկ ամսվա ընթացքում չեն օգտվում բաժնեմասը (դրա մասը) գնելու նախապատվության իրավունքից, մասնակցի բաժնեմասը կարող է օտարվել երրորդ անձանց:

3. Բաժնեմասի օտարումը իրականացվում է պարզ գրավոր ձևով ձևակերպված համապատասխան պայմանագրով (ՀՀ Քաղաքացիական Օրենսգրքով նախատեսված դեպքերում՝ վավերացված նոտարական կարգով):

Բաժնեմասը ձեռք բերողին փոխանցվում են ընկերության մասնակցի մինչև բաժնեմասի օտարումը ծագած իրավունքներն ու պարտականությունները:

4. Ընկերության մասնակցի մահվան (վերակազմակերպման) ժամանակ կանոնադրական կապիտալում նրա բաժնեմասն անցնում է մասնակցի ժառանգներին (իրավահաջորդներին):

Ժառանգների (իրավահաջորդների) ընկերության մասնակից դառնալուց հրաժարվելու դեպքում ընկերությունը պարտավոր է նրանց վճարել համապատասխան բաժնեմասը սույն կանոնադրության 7 հոդվածի 2-րդ կետով սահմանված կարգով:

9. ԸՆԿԵՐՈՒԹՅԱՆԸ ՊԱՏԿԱՆՈՂ ԲԱԺՆԵՄԱՍԵՐԸ

1. Ընկերությանը պատկանող բաժնեմասերը հաշվի չեն առնվում մասնակիցների ընդհանուր ժողովի կողմից որոշումների ընդունման ժամանակ քվեարկության արդյունքները որոշելիս, ինչպես նաև ընկերության լուծարման դեպքում գույքը բաշխելիս:

2. Ընկերության մասնակցին պատկանող բաժնեմասն ընկերությանն անցնելուց հետո՝ մեկ տարվա ընթացքում, մասնակիցների ընդհանուր ժողովի միաձայն որոշմամբ պետք է բաշխվի ընկերության բոլոր մասնակիցների միջև՝ նրանց բաժնեմասերին համապատասխան, կամ ընկերության մեկ կամ մի քանի մասնակիցների, կամ երրորդ անձանց, և ամբողջությամբ վճարվի:

Բաժնեմասի չբաշխված մասը պետք է մարվի ընկերության կանոնադրական կապիտալի նվազեցման միջոցով:

10. ԸՆԿԵՐՈՒԹՅԱՆ ՄԱՍՆԱԿՑԻՆ ԸՆԿԵՐՈՒԹՅՈՒՆԻՑ ՀԵՌԱՑՆԵԼԸ

1. Ընկերության մասնակիցը (մասնակիցները), որը (որոնք) գումարային առումով տնօրինում է (են) ընկերության՝ առնվազն 10% բաժնեմասը, իրավունք ունի (ունեն) դատական կարգով՝ պահանջել ընկերության այլ մասնակցի հեռացումն ընկերությունից, եթե նա իր գործողություններով կամ անգործությամբ դժվարացնում կամ անհնարին է դարձնում ընկերության բնականոն գործունեությունը:

2. Ընկերությունից հեռացված մասնակցի բաժնեմասն անցնում է ընկերությանը: Ընկերությունը հեռացված մասնակցին վճարում է նրա բաժնեմասի արժեքը, որը որոշվում է սույն կանոնադրության 7 հոդվածի 2-րդ կետով սահմանված կարգով:

11. ԸՆԿԵՐՈՒԹՅԱՆ ԳՈՒՅՔՈՒՄ ՄԱՍՆԱԿՑԻ ԲԱԺՆԵՄԱՍԻ ՎՐԱ ԲՈՆԱԳԱՆՁՈՒՄ ՏԱՐԱԾԵԼԸ ԿԱՄ ԲՈՆԱԳՐԱՎԵԼԸ

1. Ընկերության մասնակցի պարտքերի համար պարտատերի պահանջով նրա բաժնեմասի վրա կարող է բռնագանձում տարածվել միայն այդ մասնակցի պարտքերը մարելու համար այլ գույքի անբավարարության դեպքում՝ դատարանի վճռի հիման վրա:

Ընկերության մասնակցի բաժնեմասը կարող է բռնագրավվել միայն օրենքով նախատեսված դեպքերում:

2. Ընկերության մասնակցի բաժնեմասի բռնագանձումը կամ բռնագրավումը իրականացվում է «Սահմանափակ պատասխանատվությամբ ընկերությունների մասին» ՀՀ օրենքի 20 հոդվածով սահմանված կարգով:

3. Ընկերության գույքում մասնակցի ամբողջ մասի վրա բռնագանձում տարածելը կամ բաժնեմասն ամբողջությամբ բռնագրավելը դադարեցնում է նրա մասնակցությունն ընկերությանը:

12. ՇԱՀՈՒՅԹԻ ԲԱՇԽՈՒՄՆ ԸՆԿԵՐՈՒԹՅԱՆ ՄԱՍՆԱԿԻԾՆԵՐԻ ՄԻՋԵՎ

1. Ընկերությունը տարեկան մեկ անգամ մասնակիցների ընդհանուր ժողովի որոշմամբ իրականացնում է իր շահույթի բաշխումը ընկերության մասնակիցների միջև:

Բաշխման ենթական շահույթը բաշխվում է ընկերության մասնակիցների միջև ըստ ընկերության կանոնադրական կապիտալում նրանց բաժնեմասերի չափերի:

2. Ընկերությունն իրավունք չունի որոշում ընդունել շահույթի բաշխման մասին կամ ընկերության մասնակիցներին վճարել շահույթ, որի բաշխման մասին որոշումն արդեն ընդունված է՝

- մինչև ընկերության կանոնադրական կապիտալի լրիվ վճարումը:
- եթե որոշման ընդունման պահին ընկերության գուտ ակտիվների արժեքը փոքր է նրա կանոնադրական կապիտալից կամ այդ չափից փոքր կդառնա նման որոշման ընդունման արդյունքում;
- օրենքով նախատեսված այլ դեպքերում:

13. ԽՈՇՈՐ ԳՈՐԾԱՐՔՆԵՐ

1. Խոշոր է հանդիսանում այն գործարքը կամ մի քանի փոխկապակցված գործարքները, որոնք կապված են ընկերության կողմից ուղղակիորեն կամ անուղղակիորեն գույք ձեռք բերելու, օտարելու կամ օտարելու հնարավորության հետ, որի արժեքը կազմում է նման գործարք կատարելու մասին որոշման ընդունման օրվա դրությամբ ընկերության գուտ ակտիվների արժեքի 25 տոկոսից ավելին:

2. Խոշոր գործարքներն իրականացվում են ընկերության մասնակիցների ընդհանուր ժողովի որոշմամբ:

14. ԸՆԿԵՐՈՒԹՅԱՆ ԸՆԴՀԱՆՈՒՐ ԺՈՂՈՎՐ

1. Ընկերության կառավարման բարձրագույն մարմինը նրա մասնակիցների

ընդհանուր ժողովն է (հետագա տեքստում՝ ընդհանուր ժողով), որն ունի կառավարման և գործունեության ցանկացած հարցի վերջնական լուծման իրավունք:

Ընկերությունը մեկ անձի կողմից հիմնադրվելու կամ ընկերությունում մեկ մասնակից՝ մնալու դեպքում ընդհանուր ժողովի Իրավասություններն իրականացնում է ընկերության միակ մասնակիցն իր գրավոր որոշմամբ:

2. Ընկերության ընդհանուր ժողովի բացառիկ իրավասությանն են պատկանում՝

- ընկերության գործունեության հիմնական ուղղությունների որոշումը, ընկերության պլանների և դրանց կատարման վերաբերյալ հաշվետվությունների հաստատումը:
- ընկերության կանոնադրության, դրա լրացումների և փոփոխությունների, նոր խմբագրությամբ կանոնադրության հաստատումը;
- ընկերության կանոնադրական կապիտալի չափի փոփոխումը:
- ընկերության գործադիր մարմինների և խորհրդի ձևավորումը և նրանց լիազորությունների՝ վաղաժամկետ դադարեցումը, ինչպես նաև՝ ընկերության գործադիր մարմնի լիազորություններն առևտրային կազմակերպությանը կամ անհատ ձեռնարկատիրոջը (կառավարիչ) տալու հարցերը:
- ընկերության վերստուգողի ընտրությունը, եթե ընդհանուր ժողովն անհրաժեշտ է համարում վերստուգողի առկայությունը կամ ընկերության մասնակիցների թիվը գերազանցում է 20-ը;
- ընկերության տարեկան հաշվետվությունների և հաշվապահական հաշվեկշիռների հաստատումը, շահույթների ու վնասների բաշխումը;
- այլ ընկերություններին կամ կազմակերպություններին մասնակից (հիմնադիր) լինելու մասին որոշման ընդունումը;
- մասնաձյուղերի, ներկայացուցիչների և հիմնարկների ստեղծումը, դրանց կանոնադրությունների հաստատումը, վերակազմակերպումը, լուծարումը:
- ընկերության պաշտոնատար անձանց գույքային պատասխանատվության ենթարկելու մասին որոշման ընդունումը;
- ընկերության կողմից արժեթղթերի թողարկման մասին որոշման ընդունումը:

- խոշոր գործարքների կատարումը:
- ընկերության աուդիտի իրականացման որոշման ընդունումը
- ընկերությունը վերակազմակերպելու կամ լուծարելու մասին որոշման ընդունումը:
- լուծարման հանձնաժողովի (լուծարողի) նշանակումը և լուծարման հաշվեկշռի ընդունումը:
- «Մահմանափակ պատասխանատվությամբ ընկերությունների մասին» ՀՀ օրենքով և սույն կանոնադրությամբ նախատեսված այլ հարցերի լուծումը:

3. Ընկերության գործունեության տարեկան արդյունքները հաստատվում են ընկերության հերթական ընդհանուր ժողովում, որն անցկացվում է ֆինանսական տարվա ավարտից հետո 6 վեց ամսվա ընթացքում:

Հերթական ընդհանուր ժողովից բացի գումարվող ժողովները համարվում են արտահերթ:

Արտահերթ ընդհանուր ժողովները գումարվում են անհետաձգելի հարցերի քննարկման համար:

Հերթական և արտահերթ ընդհանուր ժողովները հրավիրվում են ընկերության գործադիր մարմնի կողմից:

4. Ընկերության գործադիր մարմինը ընդհանուր ժողովի անցկացման օրվանից 20 օր առաջ այդ մասին պատվիրված նամակներով ծանուցում է ընկերության բոլոր մասնակիցներին: Ծանուցման մեջ պետք է նշված լինեն ընդհանուր ժողովի անցկացման տեղը, ամսաթիվը, ժամը և առաջարկող օրակարգը:

Ընկերության մասնակիցների կողմից օրակարգի վերաբերյալ առաջարկությունների և լրացումների ներկայացումը, գործադիր մարմնի կողմից դրանք օրակարգում ընդգրկելը և այդ մասին մասնակիցներին ծանուցելը, ընդհանուր ժողովի օրակարգը նախապատրաստելիս մասնակիցներին անհրաժեշտ տեղեկատվության և նյութերի տրամադրումն իրականացվում «Մահմանափակ պատասխանատվությամբ ընկերությունների մասին» ՀՀ օրենքի 39 հոդվածով սահմանված կարգով:

5. Ընդհանուր ժողովի բացումից առաջ կատարվում է՝ ընկերության ժամանած մասնակիցների գրանցում:

Ընկերության մասնակիցը ընդհանուր ժողովում մասնակցելու իր իրավունքը կարող է իրականացնել անձամբ կամ լիազոր ներկայացուցչի միջոցով:

Մասնակցի ներկայացուցիչը կարող է մասնակցել ընկերության ընդհանուր ժողովին միայն օրենքով սահմանված կարգով ձևակերպված լիազորագրի

առկայության դեպքում: Մասնակիցը պահպանում է ընկերության ընդհանուր ժողովում մասնակցելու առաջնային իրավունքը անկախ իր կողմից ներկայացուցչին տրված լիազորագրից:

6. Ընկերության ընդհանուր ժողովն իր նիստը վարելու համար ընկերության մասնակիցների կազմից ընտրում է ժողովի նախագահ:

7. Ընկերության ընդհանուր ժողովն իրավագոր է, եթե դրան մասնակցում են ընկերության մասնակիցների ձայների ընդհանուր թվի կեսից ավելին տնօրինող մասնակիցները:

Ընկերության յուրաքանչյուր մասնակից ընդհանուր ժողովում ունի ընկերության կանոնադրական կապիտալում իր լրիվ վճարված բաժնեմասին համապատասխան ձայների քանակ:

8. Ընկերության ընդհանուր ժողովում սույն կանոնադրությամբ նախատեսված դեպքերում, ինչպես նաև ընկերության վերակազմակերպման և լուծարման մասին որոշումներն ընդունվում են բոլոր մասնակիցների մասնակցությամբ՝ միաձայն, կանոնադրության, դրա լրացումների փոփոխությունների հաստատման, ինչպես նաև կանոնադրական կապիտալի փոփոխության մասին որոշումներն ընդունվում են ընկերության մասնակիցների (նրանց ներկայացուցիչների) ձայների ընդհանուր թվի առնվազն երկու երրորդի մեծամասնությամբ, մնացած հարցերի վերաբերյալ՝ ձայների ընդհանուր թվի պարզ մեծամասնությամբ:

9. Ընդհանուր ժողովի որոշումներն ընդունվում են բաց քվեարկությամբ:

Ընդհանուր ժողովի որոշմամբ օրակարգի որոշ հարցերի վերաբերյալ որոշումները կարող են ընդունվել քվեաթերթիկների միջոցով կատարվող քվեարկություններով: Այդ դեպքում ընդհանուր ժողովը սահմանում է մասնակիցներին քվեաթերթիկների տրամադրման կարգը, քվեաթերթիկների ձևն ու բովանդակությունը, քվեարկության արդյունքների հաշվառման և արձանագրության կազմման կարգը:

10. Ընկերության տնօրենը կազմակերպում է ընդհանուր ժողովի արձանագրության վարումը:

11. Ընկերության ընդհանուր ժողովին խորհրդակցական ձայնի իրավունքով կարող են մասնակցել ընկերության մասնակից չհանդիսացող ընկերության գործադիր մարմնի անդամները:

15. ԸՆԿԵՐՈՒԹՅԱՆ ԳՈՐԾԱԴԻՐ ՄԱՐՄԻՆԸ

1. Ընկերության ընթացիկ գործերի ղեկավարումն իրականացնում է ընդհանուր ժողովի կողմից ընտրված (նշանակված) գործադիր մարմինը՝ տնօրենը:

2. Ընկերության և ընկերության տնօրենի միջև կնքվում է պայմանագիր, որը

սահմանում է տնօրենի իրավունքները, պարտականությունները, պատասխանատվությունները, փոխհարաբերությունները մասնակիցների և աշխատավորական կոլեկտիվի հետ, նրա աշխատանքի վարձատրման պայմանները, պայմանագրի ժամկետը, պայմանագրի դադարեցման և լուծարման հիմքերը և այլ դրույթներ, որոնք անհրաժեշտ են և չեն հակասում գործող օրենսդրությանը:

Ընկերության տնօրենը լուծում է բոլոր հարցերը, բացի ընդհանուր ժողովի բացառիկ իրավասությանը վերաբերվող հարցերից:

3. Ընկերության տնօրենը՝

- տնօրինում է ընկերության գույքը, այդ թվում՝ ֆինանսական միջոցները, ընդհանուր ժողովի կողմից տրված համաձայնության հիման վրա գործարքներ է կատարում ընկերության անունից;
- կազմակերպում է ընդհանուր ժողովի որոշումների կատարումը;
- ներկայացնում է ընկերությունը Հայաստանի Հանրապետությունում և արտասահմանում;
- գործում է առանց լիազորագրերի:
- տալիս է լիազորագրեր՝ ընկերության անունից ներկայացուցչություն կատարելու իրավունքի համար, այդ թվում՝ վերալիազորման իրավունքով լիազորագրեր:
- գործող օրենսդրությամբ սահմանված կարգով կնքում է պայմանագրեր Հայաստանի Հանրապետությունում և արտասահմանում;
- բանկերում բացում է ընկերության հաշվարկային և այլ հաշիվներ, այդ թվում՝ տարադրամային հաշիվներ;
- ընկերության ընդհանուր ժողովի հաստատմանն է ներկայացնում ընկերության աշխատանքային կանոնակարգը, ընկերության հիմնարկների, մասնաճյուղերի և ներկայացուցչությունների կանոնադրությունները, վարչակազմակերպական կառուցվածքը:
- իր իրավասության սահմաններում արձակում է հրամաններ, հրահանգներ, տալիս է կատարման համար պարտադիր ցուցումներ և վերահսկում դրանց կատարումը:
- սահմանված կարգով աշխատանքի է ընդունում և աշխատանքից ազատում է ընկերության աշխատակիցներին;
- աշխատակիցների նկատմամբ կիրառում պատասխանատվության միջոցառումներ: խրախուսման կարգապահական

Ընկերության տնօրենն իրավունք չունի մասնակիցների համար պարտադիր որոշումներ կայացնելու:

4. Ընկերության տնօրենն այլ կազմակերպություններում կարող է վճարովի պաշտոններ զբաղեցնել միայն ընկերության ընդհանուր ժողովի համաձայնությամբ:

5. Ընկերության տնօրենն իր գործունեության մասին հաշվետու է ընդհանուր ժողովին:

6. Ընկերության տնօրենն օրենքով սահմանված կարգով պատասխանատվություն է կրում իր գործողությունների հետևանքով ընկերությանը պատճառած վնասի համար:

Տնօրենը հասցված վնասի դիմաց պատասխանատվությունից ազատվում է ընկերության և տնօրենի միջև կնքված պայմանագրով նախատեսված դեպքերում:

16. ԸՆԿԵՐՈՒԹՅԱՆ ԽՈՐՀՈՒՐԴ

- Խորհուրդն իրականացնում է ընկերության գործունեության ընդհանուր ղեկավարումը՝ իր իրավասության սահմաններում և կարող է լուծել ցանկացած հարց, որը չի հանդիսանում ընդհանուր ժողովի և գործադիր մարմնի (տնօրենի) բացառիկ իրավասությունը:

- Խորհուրդը բաղկացած է երեք անդամից, որոնց լիազորությունների տևողությունը սահմանափակված չէ:

- Խորհրդի անդամներին նշանակում և ազատում է ընդհանուր ժողովը (միակ մասնակիցը):

- Խորհրդի անդամ կարող է լինել նաև ընկերության մասնակից չհանդիսացող անձը:

- Ընկերության մասնակից չհանդիսացող խորհրդի անդամները, ընկերության գործադիր մարմնի գործառույթներ իրականացնող անձը կարող են մասնակցել ընդհանուր ժողովին՝ խորհրդակցական ձայնի իրավունքով:

- Ընկերության խորհրդի անդամի կողմից խորհրդակցական ձայնի իրավունքն այլ անձանց, այդ թվում՝ ընկերության խորհրդի այլ անդամի, փոխանցել չի թույլատրվում:

- Ընկերության խորհրդի անդամները իրենց իրավունքներն իրականացնելիս և պարտականությունները կատարելիս պարտավոր են գործել ի շահ ընկերության՝ բարեխղճորեն և ողջամիտ:

- Ընկերության խորհրդի անդամները պատասխանատվություն են

կրում ընկերությանն իրենց մեղքով պատճառված վնասների համար:

- Խորհրդի անդամներն իրենց կազմից ընտրում են խորհրդի նախագահ, որի լիազորությունների տևողությունը սահմանափակված չէ: Խորհուրդը ցանկացած ժամանակ կարող է ընտրել նոր նախագահ:

- Խորհրդի նախագահը՝ կազմակերպում է խորհրդի աշխատանքները, գումարում է խորհրդի նիստերը և վարում է դրանք՝ հանդիսանալով նիստերի նախագահը, կազմակերպում և ղեկավարում է նիստերի արձանագրումը:

- Խորհրդի նախագահն ունի որոշիչ ձայնի իրավունք:

- Խորհրդի նիստերն արձանագրվում են, որը կազմվում է նիստի ավարտից հետո և հաստատվում են խորհրդի նախագահի և նիստին մասնակցած անդամների կողմից, որոնք պատասխանատվություն են կրում արձանագրությունում առկա տեղեկատվության իսկության և հավաստիության համար:

- Խորհրդի որոշումներն ընդունվում են մասնակիցների ընդհանուր ձայների թվի մեծամասնությամբ, եթե տվյալ որոշման կայացման համար օրենքով ավելի մեծ չափ նախատեսված չէ:

- Խորհուրդի նիստն իրավասու է, եթե ներկա են խորհրդի անդամներից երկուսը:

- Խորհրդի նիստերը գումարվում են խորհրդի նախագահի կողմից խորհրդի անդամի, ընկերության գործադիր մարմնի պահանջով:

- Խորհրդի նիստերը և քվեարկությունները կարող են իրականացվել հեռակա կամ հեռավար՝ էլեկտրոնային կապի միջոցներով, իրական ժամանակի ռեժիմում:

- Խորհրդի իրավասությանը և գործունեությանը վերաբերող այն հարցերը, որոնք սույն Կանոնադրությամբ չեն կարգավորվում, կարգավորվում են Խորհրդի կողմից հաստատված Խորհրդի կանոնակարգով՝ առաջնորդվելով ՀՀ օրենսդրությամբ և ՀՀ Էկոնոմիկայի նախարարության կողմից հաստատված Կորպորատիվ կառավարման Կանոնագրքի դրույթներով:

- Ընդհանուր ժողովի (միակ մասնակցի) որոշմամբ խորհրդի անդամներին՝ նրանց կողմից իրենց պարտականությունների կատարման ժամանակաընթացքում կարող են տրվել պարգևատրումներ և (կամ) հատուցվել նշված պարտականությունների իրականացման հետ կապված ծախսերը: Նշված պարգևատրումների և հատուցման չափերը սահմանվում են ընդհանուր ժողովի որոշմամբ:

- Խորհրդի Բացառիկ իրավասությանն են պատկանում՝

- հերթական և արտահերթ ընդհանուր ժողովների գումարումը, բացառությամբ օրենքով նախատեսված դեպքերի,
- ընդհանուր ժողովի օրակարգի հաստատումը
- բոլոր այն հարցերի լուծումը, որոնք կապված են ընդհանուր ժողովի նախապատրաստման ու գումարման հետ,
- ընկերության բաժնեմասերի դիմաց վճարվող շահութաբաժինների չափի և վճարման կարգի վերաբերյալ ընդհանուր ժողովին առաջարկությունների նախապատրաստումը,
- ընկերության տնօրենի, նրա տեղակալի, գլխավոր հաշվապահի վարձատրության, և ծախսերի փոխհատուցումների վճարման կարգի ու պայմանների սահմանումը,
- ընկերության կառավարման մարմինների գործունեությունը կանոնակարգող ներքին փաստաթղթերի հաստատումը և ընդունումը,
- ընկերության վարչակազմակերպական կառուցվածքի հաստատումը,
- ընկերության կառուցվածքային և տարածքային ստորաբաժանումների կանոնակարգերի հաստատումը,
- ընկերությունում աուդիտորական կամ այլ ստուգումների արդյունքում անհրաժեշտության դեպքում բացահայտված թերությունների վերացմանն ուղղված միջոցառումների նախաձեռնումն ու դրանց իրականացման վերահսկումը,
- օրենքով և սույն կանոնադրությամբ նախատեսված այլ հարցերի լուծումը:

• Խորհրդի բացառիկ իրավասությանն պատկանող հարցերով որոշումների ընդունումը վերապահվում է խորհրդի բացառիկ իրավասությանը և չի կարող փոխանցվել ընկերության տնօրենին, գլխավոր հաշվապահին կամ այլ անձի:

17. ԸՆԿԵՐՈՒԹՅԱՆ ՎԵՐԱԿԱԶՄԱԿԵՐՊՈՒՄԸ

1. Ընկերության վերակազմակերպումը կատարվում է.

- ընդհանուր ժողովի որոշմամբ
- ընկերության մասնակիցների թիվը 49-ը գերազանցելու դեպքում:
- օրենքով սահմանված դեպքերում և կարգով՝ դատարանի վճռով:

Ընկերությունը կարող է վերակազմավորվել բաժնետիրական ընկերության կամ առևտրային կոոպերատիվի:

2. Ընկերության վերակազմակերպումն իրականացվում է ՀՀ գործող օրենսդրությամբ սահմանված կարգով:

18. ԸՆԿԵՐՈՒԹՅԱՆ ԼՈՒԾԱՐՈՒՄԸ

1. Ընկերության լուծարմամբ նրա գործունեությունը դադարում է առանց իրավունքները և պարտականությունները իրավահաջորդության կարգով այլ անձանց անցնելու:

2. Ընկերության լուծարման հիմքերն են.

- ընկերության ընդհանուր ժողովում ընկերության լուծարման մասին ընդունված որոշումը;
- ընկերության կանոնադրությամբ նախատեսված գործունեության ժամկետի լրանալը կամ այն նպատակին հասնելը, հանուն որի ընկերությունը ստեղծվել էր;
- օրենքով սահմանված դեպքերում և կարգով՝ դատարանի վճիռը:

Եթե ընկերության գույքի արժեքը անբավարար է պարտատերերի պահանջները բավարարելու համար, ապա ընկերությունը կարող է լուծարվել միայն սնանկության հետևանքով:

3. Ընկերության լուծարումն իրականացվում է ՀՀ գործող օրենսդրությամբ սահմանված կարգով և ժամկետներում:



4. Ընկերությունը համարվում է լուծարված, իսկ նրա գոյությունը՝ դադարած, պետական գրանցման պահից:

ՀԱՎԵԼՎԱԾ

«ՆՈՈՒԹ.ԱՄ» ՍՊ ԸՆԿԵՐՈՒԹՅԱՆ ԿԱՆՈՆԱԴՐՈՒԹՅԱՆ

ՏԵՂԵԿՈՒԹՅՈՒՆՆԵՐ «ՆՈՈՒԹ.ԱՄ» ՍՊ ԸՆԿԵՐՈՒԹՅԱՆ ՄԱՍՆԱԿԻՅՆԵՐԻ
ԵՎ ԿԱՆՈՆԱԴՐԱԿԱՆ ԿԱՊԻՏԱԼՈՒՄ ՆՐԱՆՑ ԲԱԺՆԵՄԱՍԵՐԻ
ՎԵՐԱԲԵՐՅԱԼ

h/h	Բաժնեմասերի սեփականատեր մասնակիցների տվյալները	Բաժնեմասերի քանակը (հատ)	Մեկ բաժնեմասի անվանական արժեքը (ՀՀ դրամ)	Բաժնեմասի չափը (տոկոս)	Ստորագրություն
-----	--	--------------------------	--	------------------------	----------------

1.	<p>Հայաստանի Հանրապետության քաղաքացի</p> <p>Ներսես Ավետիքի Ավդալյան</p> <p>Անձնագիր BA3287953, տրված 11.09.2019 թ- ին, 004-ի կողմից,</p> <p>Հանրային ծառայությունների համարանիշ 3407840381</p> <p>Հաշվառված ՀՀ, ք. Երևան, Մ. Հերացու փողոց 24 .շենք, բն. 41,</p>	50	1000	100%	 
----	--	----	------	------	--

